

Broj: 5041-13/17

Datum: 15.11.2017. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 5041-11/17 od 14.11.2017. godine, u postupku javne nabavke - **štamparske usluge**, direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 5041-11/17 od 14.11.2017. godine i Ugovor za javnu nabavku – **štamparskih usluga** i to:

- 1. LOT 1 – Knjige u tvrdom povezu – printanje i uvezivanje**, dodjeljuje se ponuđaču "Svjetlost-BH print" d.o.o. Sarajevo, ponuda br. 03-11/17, dostavljena dana 07.11.2017. godine, za ponuđenu cijenu od 1.803,93 KM (bez PDV-a), kao najpovoljnijem ponuđaču
- 2. LOT 2 – Ostali štampani materijal**, dodjeljuje se ponuđaču "Svjetlost-BH print" d.o.o. Sarajevo, ponuda br. 03-11/17, dostavljena dana 07.11.2017. godine, za ponuđenu cijenu od 4.081,27 KM (bez PDV-a), kao najpovoljnijem ponuđaču.

Član 2.

Izabrani ponuđač se oslobađa obaveze dostavljanja originala ili ovjerene kopije dokumentacije iz člana 45. i 47. Zakona o javnim nabavkama iz razloga što je iste dostavio uz ponudu.

Član 3.

Prijedlog Ugovora o nabavci dostaviće se na potpis izabranom ponuđaču nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **5041-2/17 od 05.07.2017. godine.**

Javna nabavka je sprovedena **na osnovu konkurentskog zahtjeva za dostavu ponuda.**

Procijenjena vrijednost javne nabavke bez PDV-a je **cca 6.450,00 KM.**

Obavještenje o nabavci broj: **1125-7-2-366-3-101/17**, poslato je na objavljivanje dana **25.10.2017. godine**, a objavljeno je na Portalu javnih nabavki dana **25.10.2017. godine**, Obavještenje o nabavci objavljeno je u Sl. Glasniku BiH broj: **77/17 od 27.10.2017. godine.**

Komisija za nabavku, imenovana je Rješenjem broj: **5041-3/16 od 05.07.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **5041-10/17 od 14.11.2017. godine**, Preporuku o izboru najpovoljnijeg ponuđača broj: **5041-11/17 od 14.11.2017. godine** i Izvještaj o radu broj: **5041-12/17 od 15.11.2017 godine**, u postupku javne nabavke – **štamparskih usluga.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 4 ponude,
- da su blagovremeno primljene 4 ponude,
- da su ponude ponuđača „**Plan Plus**“ d.o.o. Zenica i „**Svjetlost-BH print**“ d.o.o. Sarajevo, kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način,
- da ponude ponuđača „**Oxygen**“ d.o.o. Sarajevo i **TMP Društvo za zapošljavanje slijepih i slabovidnih lica d.o.o. Sarajevo** nisu kvalifikovane i prihvatljive iz sljedećih razloga:

1. **Ponuđač „Oxygen“ d.o.o. Sarajevo** u svojoj ponudi za LOT 2 nije dostavio Izjavu o prihvatanju roka za izvršenje usluga – sukcesivna isporuka u roku od 24 (dvadeset i četiri) sata od momenta narudžbe od strane Naručioca, a sve u roku od 1 (jedne) godine koja je tražena na strani 8. tenderske dokumentacije. Takođe, navedni ponuđač u svojoj ponudi za LOT 2 nije dostavio Spisak angažovanog tehničkog osoblja i tehničkih organa, za poslove vršenja usluga koje se nabavljaju koji je tražen u tački 4. Tehnička i profesionalna sposobnost u postupku nabavke usluga – u smislu člana 50. Zakona na strani 12. tenderske dokumentacije, Izjavu o prihvatanju roka važenja ponude koja je tražena u odjeljku d) Podaci o ponudi u tački 9) Period važenja ponude na strani 20 tenderske dokumentacije, kao ni Izjavu o prihvatanju roka, načina i uslova plaćanja koja je tražena u odjeljku e) Ostali podaci u tački 6) Rok, način i uslovi plaćanja izabranom ponuđaču na strani 26. tenderske dokumentacije.

U skladu sa gore navedenim odbacuje se ponuda ponuđača „**Oxygen**“ d.o.o. Sarajevo za LOT 2 u skladu sa članom 68. stav (4) tačka i) Zakona o javnim nabavkama.

2. Ponuđač TMP Društvo za zapošljavanje slijepih i slabovidnih lica d.o.o. Sarajevo u svojim ponudama za LOT 1 i LOT 2 nije dostavio Izjavu o prihvatanju roka važenja ponude koja je tražena u odjeljku d) Podaci o ponudi u tački 9) Period važenja ponude na strani 20 tenderske dokumentacije, kao ni Izjavu o prihvatanju roka, načina i uslova plaćanja koja je tražena u odjeljku e) Ostali podaci u tački 6) Rok, način i uslovi plaćanja izabranom ponuđaču na strani 26. tenderske dokumentacije.

U skladu sa gore navedenim odbacuje se ponuda ponuđača TMP Društvo za zapošljavanje slijepih i slabovidnih lica d.o.o. Sarajevo za LOT 1 i LOT 2 u skladu sa članom 68. stav (4) tačka i) Zakona.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač „Svjetlost BH print“ d.o.o. Sarajevo najbolje ocijenjen zbog: **najniže cijene kako slijedi:**

Naziv ponuđača		UKUPNA CIJENA PONUDE BEZ PDV-a
1.	LOT 1 – Knjige u tvrdom povezu – printanje i uvezivanje „Svjetlost BH print“ d.o.o. Sarajevo	1.803,93 KM
2.	LOT 1 – Knjige u tvrdom povezu – printanje i uvezivanje „Plan Plus“ d.o.o. Zenica	1.875,00 KM
3.	LOT 2 – Ostali štampani materijal „Svjetlost BH print“ d.o.o. Sarajevo	4.081,27 KM
4.	LOT 2 – Ostali štampani materijal „Plan Plus“ d.o.o. Zenica	4.207,00 KM

Izabrani ponudač je izabran primjenjujući kriterij najniže cijene, čime je utvrđen i njihov sukcesivni red.

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama („Sl. glasnik BiH“ broj: 39/14), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.

PRIPREMILA:
Amira Petrović, BA općeg prava
Referent za pravne poslove

AP

KONTROLISALA:
Sadeta Hrustemović, dipl. iur.
Koordinator za javne nabavke

SH



DIREKTOR

Prim. dr. Zlatko Kravić

Zlatko Kravić

Dostaviti:

- Ponudaču: „Plan Plus“ d.o.o. Zenica
- Ponudaču: „Svjetlost-BH print“ d.o.o. Sarajevo
- Ponudaču: „Oxygen“ d.o.o. Sarajevo
- Ponudaču: TMP Društvo za zapošljavanje slijepih i slabovidnih lica d.o.o. Sarajevo
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a